

五味子

各等分

蜜丸梧子大每四五十九温酒下

聖惠酸枣地黄湯 骨蒸勞煩心不得眠

酸枣仁

一兩

水一大碗半研絞取汁下米二合煮

粥熟再入地黄汁一合更煮過不計時服之

六物湯治振悸不得眠

四君子加酸枣仁

生姜煎服

許學士珍珠母丸

肝虛內受風邪卧則寬散而

不收狀若驚悸

珍珠母

另研末三錢

當歸

熟地

各一兩半

人參

茯苓

酸枣仁

栝子仁

犀角

各一兩

沉香

龍齒

各五錢

錢

為末蜜丸梧子大辰砂為衣每四五十九金

銀薄荷湯下日午及夜服

一方多虎睛一對射香一錢

獨活湯 治同前相兼服

獨活

羌活

人參

前胡

細辛

半夏

酸枣仁

沙參

茯苓

甘草

五味子

各等分

每七錢姜三片烏梅一箇不拘時煎服

紹興癸丑予待次四明有董生者患神氣不寧

每卧則寃飛揚覺身在床而神寃離体驚悸多

魘通夕無寐更醫不効予為診視詢之曰鑿作

何病治董曰衆皆以為心病予曰以脉言之肝
經受邪非心病也肝氣因虛邪氣襲之肝藏魂
者也遊魂為變平人肝不受邪卧則魂歸于肝
神靜而得寐今肝有邪魂不得歸是以卧則魂
飛揚若離體也肝主怒故小怒則劇董欣然曰
前此未之聞雖未服藥已覺沉痾去體矣願求
治之予曰公且持此說與衆醫議所治之方而
徐質之閱旬日復至云醫徧議古今方無與病
相對者故予處此二方以贈服一月而病悉除

此方用真珠母為君龍齒佐之真珠母入肝經
為第一龍齒與肝同類也龍齒虎睛今人例以
為鎮心藥殊不知龍齒安魂虎睛定魄各言其
類也蓋東方蒼龍木也屬肝而藏魂西方白虎
金也屬肺而藏魄龍能變化故魂遊而不定虎
能專靜故魄止而有守予謂治魄不寧者宜以
虎睛治魂飛揚者宜以龍齒萬物有成理而不
失在夫人達之而已

益榮湯 血不足不寐及怔忡驚悸

當歸 黃芪 遠志 酸枣仁炒 茯神 栝子
仁 麥冬 白芍 人參 紫后英各一錢 木香
七分 甘草五分 姜三片 枣二枚 水煎服

多卧

黃帝曰人之多卧者何氣使然岐伯曰此人腸胃大而皮膚濕而分肉不解焉腸胃大則衛氣留久皮膚濕則分肉不解其行遲夫胃氣者晝常行于陽夜行于陰故陽氣盡則寤陰氣盡則寤故腸胃大則衛氣行留久皮膚濕分肉不解則

行遲留于陰也久其氣不精則目瞑故多卧矣其腸胃小皮膚滑以緩分肉解則衛氣留于陽也久故少瞑焉黃帝曰其非常經也卒然多卧者何氣使然岐伯曰邪氣留于上焦上焦閉而不通已食若飲湯衛氣留久於陰而不行故卒然多卧焉大惑篇

海藏曰膽實多睡熱也

生枣湯 治膽熱多睡

生酸枣仁為末 茶姜汁調服

又方 生酸枣仁一兩

臈茶二兩

以生姜汁塗炙

微焦為末每服二錢水七分煎六分溫服

醒睡湯

酸枣仁

沙參

各一錢半

麥冬

一錢

茯神

甘

草

各五分

姜一片水煎服

煩躁門

仲景云煩屬肺躁屬腎火入於肺則煩入于腎則躁大抵煩躁皆心火為病火旺則金燥而水虧也惟火獨存故肺腎合而為煩躁又脾經終于心中心經起于脾中二經相搏濕熱生煩夫煩

者擾擾心亂兀兀欲吐怔忡不安

成無已曰煩為擾亂而煩躁為憤怒而躁合而言之煩躁為熱也析而言之煩陽也躁陰也煩為熱之輕者躁為熱之甚者

陳無擇曰內熱為煩外熱為躁又曰虛煩身不覺

熱頭目昏疼口乾咽燥不渴清又不寐皆虛

也煩

婁英曰先賢治煩躁齊作有屬熱者有屬寒者獨煩而不躁者多屬熱惟悸而煩者為虛寒躁不煩者多屬寒惟火邪者為熱蓋煩者心中煩或

胸中煩皆內熱也躁者身體手足躁擾或裸體不欲近衣或欲坐井中為外熱也內熱者有本之熱故多屬熱外熱者多是無根之火故屬寒也生生子曰仲景成無已二公所論煩躁皆為火熱是祖內經夫熱病皆傷寒之類也乃傷寒家語言其邪自外而入至于煩躁皆為熱候予謂躁有陰陽煩有虛實陶節庵曰先煩而悸者為實先悸而煩者為虛又曰煩漸生躁有陰陽虛實之別心熱則煩陽實陰虛腎熱則躁陰實陽虛

煩為熱輕躁為熱重此亦傷寒家語也雜症之煩躁又各有虛實寒熱不同須當分別而治虛煩者心中擾亂精神不能任持似脹不脹悒悒悶飲食不甘美睡卧不安寧者是也治以養心血鎮火安神之劑如安神丸之類實煩者或心火燔盛或水飲痰涎停于胸膈壅悶不安者是也治以消痰逐飲散邪之劑如梔子豉湯蠲飲湯五苓散之類陽躁者煩渴欲飲憤激躁怒二便不利經云諸躁狂越皆屬於火者是也

治如丹溪用妙香丸之類陰躁者渴不欲飲極其躁擾或上熱下寒此為陰盛格陽為陽氣虛僣不能復入皇、欲泄非中者是也治以理中湯回逆湯之類大抵煩症多屬于虛經曰夏脉者心也其不及令人煩心又云肝腎脾虛皆令人体重煩寃迹是知煩多由于虛也當尋傷寒法外之治今錄治方于左以備採用

內外俱虛身冷而汗出微嘔而煩擾手足厥逆不得安靜者死 熱病七八日其脉微細小便不

利加暴口燥脉代舌黑焦乾者死

保命集云起卧不安睡不穩謂之煩宜梔豉湯竹葉石膏湯

活人書云但獨熱者虛煩也諸虛煩熱與傷寒相似但不惡寒身不疼痛故知非傷寒也不可發汗頭不痛脉不緊數故知非裏實也不可下病此者內外皆不可攻、之必遂煩渴當與竹葉湯若嘔者與陳皮湯一劑不愈再與之孫真人云此法數用有效

陳皮湯

陳皮一兩

甘草炙

竹茹各五錢

人參一錢半

每服七錢姜三片棗二枚水煎服

淡竹茹湯

心虛悶頭疼短氣內熱不解心中悶

亂及產婦心虛驚悸煩悶欲絕

麥門冬

去心

小麦

各二兩半

甘草

炙一兩

人參

茯苓

各一兩

半夏

湯洗二兩

每服四錢姜七片棗二枚淡竹

茹一塊水煎服

東垣硃砂安神丸

心亂煩熱怔忡心神顛倒兀

兀欲吐胸中氣亂而熱有似懊懷之狀皆膈上

血中伏熱蒸之不安宜用權法以鎮陰火之浮

行以養上焦之元氣用甘草之甘溫補之當歸

生地又為長生陰血之聖藥黃連去心煩除濕

熱硃砂納浮游而安神明方見怔忡門

仲景下痢後更煩按之心下濡者為虛煩

也梔豉湯主之

丹溪治一女子年二十餘歲在室素強健六月間

發煩悶困憊不食發時欲入井六脉皆沉細而

弱數兩日後微渴衆以為病暑治不効四五日

加嘔而人瘦手心極熱喜在陰處漸成伏脉時

妄語予急製局方妙香丸如桐子大以井水下
一九半日許大便藥已出病無退減遂以射香
水洗藥以針穿三竅次日以凉水送下半日許
大便下稠痰數升是夜得睡困頓伏枕旬日而
愈因記金匱云昔肥而今瘦者痰也遂作此藥
治之

妙香丸丹溪云疏決腸胃制伏水火藥也

辰砂飛五兩 牛黃 龍腦 臙粉 射研各一兩 巴豆
二百五十粒去皮膜炒熟研 金箔九十片 右研勻煉黃蠟六兩

入好蜜三分同煉令勻為丸每兩作三十九
如要此藥速行針刺一眼子冷水浸少時服
効更速小兒百病丸如菜豆大

遠志湯 治心虛煩熱夜卧不寧及病後虛煩

遠志去心 黃芪 當歸 麦冬 后斛 酸枣仁
炒各一錢二分 人參 茯神各七分 甘草五分 水煎服

煩甚者加竹葉知母

竹葉湯 傷寒大病後及霍亂吐瀉後心虛煩悶
内熱不解 竹葉 麥冬 人參 茯苓 小

麥 半夏 各一兩 甘草 五錢 每六錢姜五片水煎服

小草湯 虛勞憂思過度遺精白濁虛煩不安

小草 黃芪 川歸 麥冬 石斛 酸枣仁

各一兩 人參 甘草 各五錢 每六錢姜五片水

煎服

地仙散 傷寒後伏暑後煩熱不安及虛勞不安

地骨皮 二兩 防風 一兩 甘草 五錢 每六錢姜五

片水煎服

竹茹麥冬湯 大病後表裏俱虛內無津液煩渴

心躁及諸虛煩熱與傷寒相似但不惡寒身不

痛不可汗下者 淡竹葉 麥門冬 等分 每八錢

水煎

酸枣仁湯 霍亂吐下後增劇虛勞煩擾奔氣在

胸中不得眠或發寒熱頭疼暈悶

酸枣仁 一兩七錢半 人參 桂心 各二錢半 知母 茯苓

各三錢 石膏 五錢 甘草 二錢 每七錢姜煎服

人參竹茹湯 胃口有熱嘔吐欬逆虛煩不安

人參 五錢 半夏 一兩 分二帖加姜七片陳皮二

錢半竹茹一錢水煎服

竹茹石膏湯 大病後餘熱煩悶

溫膽湯 大病後虛煩不得眠及驚悸

五苓散 水停心下作驚悸煩悶

清心蓮子飲 方見癰閉門

梔子豆豉湯 治邪在上焦

四逆湯

理中湯

健忘門

戴元禮曰健忘者為事有始無終言談不知首尾
此以為病之名非比生成之愚頑也

靈樞經曰人之善忘者何氣使然岐伯曰上氣不
足下氣有餘腸胃實而心氣虛則榮衛留于
下久之不以時上故善忘也

丹溪心法曰此証皆由憂思過度損其心胸以致
神舍不清遇事多忘病在心脾凡思傷脾以故
令人轉盼遺忘治之以歸脾湯須兼理心脾神
寧意定其証自除也

歸脾湯 思慮過度勞傷心脾健忘怔忡

白朮 茯神 黃芪 酸棗仁各一兩 人參 木

香各五錢 甘草灸二錢半 每六錢姜三片棗二枚圓

眼肉五枚水煎服

定志丸 心氣不定恍惚多忘

遠志 石菖蒲各二兩 人參一兩 白茯苓三兩

右末煉蜜丸梧子大硃砂為衣每服三十九

米飲下 一方加茯神

加味茯苓湯 痰迷心竅健忘失事

二陳湯加益智仁香附人參姜水煎服

讀書丸 健忘服之日記千萬言

石菖蒲 兔系子 遠志各一兩 地骨皮二兩 生地

五味子 川芎各一兩 為末薄糊丸梧子大每服

七八十九臨卧白湯下

孔子大聖枕中湯 常服令人聰明

龜甲 龍骨 遠志 菖蒲 各等分為末酒

服方寸七日三服

聖惠千金翼同 補心虛治健忘令人耳目聰明

以戊子日服之開心不忘

菖蒲 遠志 各等分為末每服方寸匕常服
令人耳目聰明從外見裏令人長生去三百
病毒不能為害

二丹丸 安神定志和血治健忘

熟地黄

天門冬

丹參

各一兩半

茯苓

甘草

各一兩

兩 遠志

人參

各五錢

麥門冬

一兩

右末煉蜜丸梧

子大硃砂五錢為衣每服五十九白湯下

又讀書方

菖蒲遠志桂甘草 地骨人參巴戟天

倍煮茯苓糊丸服 讀書日記萬千言

狀元丸 教子第一方

菖蒲

去毛

遠志

甘草心各一兩

水煮去

白茯苓

去木

巴戟

天

心五錢

人參

地骨皮

去心各三錢

右末用白茯苓去皮二兩糯米二兩共為粉

用石菖蒲三錢煎濃湯去渣打糊為丸每食

後午時臨睡各服三五十九

赤水玄珠第十五卷目錄

秘結門

大小便不通

閉癃遺溺不禁辨

小便不通門

癃門

遺溺門

小便不禁門

溺赤

國家圖書館, NATIONAL CENTRAL LIBRARY, TAIWAN, R.O.C.



脫肛門

附截腸病

前陰諸疾門

疝門

赤水玄珠第十五卷

秘結門

新安生生子孫一奎著輯

經曰大便者腎之所主腎主五液也腎氣充則大便潤虛則津液耗竭而燥結矣又飢飽勞役損傷胃氣及食辛熱厚味之物而助火邪伏於血中煎熬真陰皆能使大便燥結又有年老陰血不足而燥者惟當補而潤之不可用峻利之劑又大便秘結者不得發汗、則重亡津液必秘



國家圖書館, NATIONAL CENTRAL LIBRARY, TAIPEI, R.O.C.

結而死矣

有陽結有陰結有風結有實結有虛結有氣秘有血秘

仲景曰脉浮數能食不大便者此為實名曰陽結也期十七日當劇脉沉而遲不能食身體重大便反硬名曰陰結也期十四日當劇陽結者散之陰結者熱之風結者諸藥中加羌活防風之類此二味雖是風藥然味辛所以能潤燥也經曰腎惡燥急食辛以潤之

潔古曰臟腑之秘不可一槩治療有虛秘有實秘胃實而秘者能食小便赤以麻仁九七宣丸之類主之胃虛不能食而小便清利者厚朴湯主之實秘者物也虛秘者氣也

東垣曰有物有積而結者當下之食傷太陰腸滿

食不化腹嚮嚮然不能大便者以苦泄之仲景麻仁

九局方七宣丸皆以大黃為君之類是也治注夏大便瀉滯者血少

血中伏火也黃耆人參湯加生地當歸身桃仁泥潤之如潤之大便仍久不快者少加煨大黃

微利之如加大黃久不快利者非血結血秘是
 熱生風止當服黃耆人參湯內用羌活防風各
 五錢水四盞煎至一盞空心服之其便必夫也
 丹溪戒人用峻利但宜滋養陰血使孤陽之火不
 熾而金行清化木邪有制脾土清健而運行津
 液津液入胃則腸潤而通矣須知在西北以開
 結為主在東南以潤燥為主慎勿膠柱而調也
 王海藏云桃杏仁俱治大便秘當以血氣分之年
 老虛人大便秘脉浮在氣杏仁陳皮主之脉沉

在血桃仁陳皮主之所以俱用陳皮者以其干

陽明病與手太陰為表裏也

脉多沉伏而結 陽結脉沉實而數 陰結脉
 伏而遲或結 老人虛人便結脉雀啄者不治

七宣丸

柴胡 枳實炒 訶子皮 木香各五兩 桃仁去皮

尖炒 甘草炙 大黃麴包煨 右煉蜜丸桐

子大每服二十九丸米飲下漸加四五十丸以利

為度

厚朴湯 胃虛而秘者不能飲食小便清利

陳皮 半夏麴炒 枳實炒各一兩 甘草炙 厚朴製各二兩

白朮兩三 每三五七錢姜三片枣一枚水煎服

保命集大黃牽牛散 相火之氣遊走臟腑大便

秘結 大黃兩一 牽牛頭末五錢 為細末每三錢有

厥冷合用酒調無厥冷而手足煩熱者蜜湯調

下食後以微利為度此謂不時而熱者濕熱也

凡用大黃半兩至一兩而大便不通利者加射

香少許調于藥中則大便必大走也

半硫丸 治年高虛秘冷秘 方見燥門

大潤腸丸 治大便秘澀通用

杏仁炒 枳殼 麻仁 陳皮各五錢 阿膠 防風

各二錢半 右煉蜜丸梧子大每五十九丸老人蘇子

煎湯下壯者荊芥湯下

麻仁丸 實秘能飲食小便赤此丸與七宣丸主

之 枳殼 川芎等分 麻仁泥減半

煉蜜丸梧子大食前溫水下

又麻仁丸 風秘脾約痞小便數大便秘

大黃 枳殼 赤芍藥各一兩 厚朴五錢 麻仁

杏仁 各一兩二味俱另研 煉蜜丸 梧子大每服三十九

皂角丸 治有風人大便秘澀

牙皂 枳殼 羌活 桑白皮 檳榔 杏仁

麻仁 防風 白芷 陳皮 等分

蜜丸 梧子大每服三十九 蜜湯下

皂角枳殼丸 大腸有風秘結 老人宜服

皂角 炙去皮子 枳殼 炒各分

蜜丸 梧子大每七十九 空心食前米飲下

搜風順氣丸 治大腸秘澀

大黃 五兩半 熟半生 山茱萸 麻仁泥 郁子仁 炮去皮研

兔絲子 山藥 牛膝 檳榔 各二兩 防風 枳

殼 獨活 各一兩 車前子 二兩 煉蜜丸 梧子大每

二三十丸 米飲下 平旦臨卧 各一服

二仁丸 治老人虛人風秘不可服 大黃者妙

麻仁 杏仁 枳殼 訶子 等分

蜜丸 梧子大每三十九 溫水下 未利增之

四磨湯 氣滯腹急 大便秘澀

沉香 木香 檳榔 烏藥 等分 各磨半鍾和

勻溫服有熱者加大黃枳殼名六磨湯

橘杏丸 治氣秘老人虛弱人皆可服

橘紅 杏仁等分 煉蜜丸梧子大每七十九空

心米飲下

蘓麻粥 順氣滑大便 蘇子 麻仁 二味不

拘多少研爛水濾取汁煮粥食之

菴容瑣陽粥 老人陰血不足大便燥結

肉菴容 瑣陽 煮粥服

小通氣散 虛人憂怒傷肺致令秘澀曾服燥藥而大便秘

陳皮 蘇葉 枳殼 木通等分 水煎服立通

金液丹 治挾冷結滯兼治傷寒陰結以杏仁麻

仁煎湯吞下 方在寒門

神功丸 治氣壅風盛秘結後重疼痛煩悶

大黃 訶子各四兩 人參 麻仁各二兩

右蜜丸梧子大每二十九米飲下食後臨卧

服此藥虛實加減

小柴胡湯 治傷寒陽結能食而大便結

檳榔丸 治大腸實熱不通心腹脹滿

欖榔 大黃 麻仁 枳實 羌活 杏仁

牽牛 白芷 黃芩 各一兩 人參 五錢

蜜丸 梧子大每四十九丸 空心溫水下

四順清涼飲 治同前 每加灯心十根 枳殼十

片水煎服効

欖榔散 治腸胃有濕大便秘結

欖榔 不拘多少 為末 每服二錢 蜜湯點服

香薷散 治同上 加枳殼 欖榔水煎服

五仁丸 津液枯竭 大腸秘結 傳道艱難

桃仁 杏仁 各一兩 栝子仁 郁李仁 炒 松子仁

各二錢半 陳皮 四兩另為末 右五仁另研為膏 入陳皮末

研勻 蜜丸 梧子大 空心米飲下 五十丸

調氣滋補溫腸丸 治發汗利小便 亡津液以致

秘結 沉香 一兩另為末 肉蓯蓉 二兩 為末 用麻子

仁汁打糊為丸 梧子大每七十丸 空心米飲下

潤腸丸 治脾胃中伏火 秘結及風結血結

桃仁 麻仁 當歸尾 大黃 羌活 各五錢 升

麻 紅花 郁李仁 右除桃麻仁另研為泥

外餘為末煉蜜丸梧子大每三五十九空心

白湯下

一方加防風錢三皂角仁燒存性兩半無升麻以下味三

葳靈仙丸 治年高氣衰津液枯燥秘結

黃耆 枳殼 葳靈仙等分

煉丸梧子大每五七十九姜湯熱水任下

陳黃湯 治老人大便秘結

黃耆 陳皮各五錢為末每服三錢用火麻仁一合

研爛以水投取汁一鍾濾去渣于銀石器中

煎候有乳花起即入白蜜一大匙再煎令滾

調藥末空心服

獨束湯 治大便秘積日不通

大棗一枚劈開入輕粉五分依舊合起以麻線縛扎慢火水煮熟嚼碎以束汁送下

丹溪治虛熱大腸秘

白芍藥一兩半 陳皮 生地黃 當歸身各一條

芩 甘草各二錢 右粥丸每七八十九白湯下

潤麻丸 治血燥大便不通此丹溪秘方

麻仁 當歸 桃仁 生地黄 枳殼 各一兩

蜜丸梧子大每五十九空心白湯下

道滯通幽湯 治大便難幽門不通上冲吸門不

開噎塞不便燥秘氣不得下治在幽門以辛潤

之 當歸身 桃仁泥 升麻 錢各一 生地 熟

地 各五分 炙甘草 紅花 錢各三 水煎食前調攪柳

末五錢或加麻仁泥一錢若加大黃名當歸

潤燥湯

潤燥湯

升麻 生熟地黄 錢各二 當歸梢 生甘草 大

黃 煨 桃仁泥 麻仁泥 錢各三 紅花 分五

右除二仁另研作一服水煎數沸下二仁煎

空心熱服

活血潤燥丸 治大便風秘血秘時常燥結

當歸稍 錢一 防風 錢三 大黃 紙裹煨 羌活 兩各一 桃仁

麻仁 各二兩 皂角 燒存性一兩三錢其性得

右除二仁另研外餘為末蜜丸梧子大空心

服五十九白湯送下三兩服後以蘇子麻仁

粥每日早晚食之大便不致燥結以磁罍盛

藥紙封

脾約麻仁丸 和劑方 治腸胃熱燥大便秘結

厚朴 去皮姜製 芍藥 枳實 麩炒各八分 杏仁 去皮炒

麻仁 另研各五錢 大黃 蒸焙一兩六錢 蜜丸梧子大每二

十九臨卧温水下以通利為止

潤腸丸 治大便秘澁連日不通

麻子仁 一盞半細研用水 芝蔴 半盞微炒研

桃仁 泡去皮尖炒 荊芥穗 為末各一兩

右前藥入鹽 許少 同煎可以代茶飲之以利度

三和散 治七情之氣結于五臟不能流通以致

脾胃不和心腹痞悶大便秘澁

川芎 三兩 羌活 去芦 紫蘇 去梗 沉香 宣木瓜 白朮

木香 檳榔 陳皮 甘草 各七錢半 大腹皮

每服五錢水煎服

木香三稜散 治腹中有虫面色痿黃一切積滯

黑丑 半生半炒 大腹子 君 檳榔 木香 三稜 煨

雷丸 義朮 煨 錫灰 炒 大黃 已上各二兩

右為末每服三錢空心蜜水調下或砂糖水亦可須先燒肉一片口中嚼之久吐出口中肉汁然後服藥

大小便不通

烏柏湯 治大便不通如神亦能通小便

烏柏木皮方一寸七劈破以水煎取小半盞服之立通不用多服其功神聖兼能取水或以此湯調下五苓散二錢空心服

推車散 治大小便秘經月欲死者

推車客

七枚

土狗

七枚

如男子病推車客用頭

土狗用身

如女子病土狗用頭推車客用

身 右新瓦上焙乾為末用虎目即虎杖樹

皮向南者濃煎汁調只一服經驗如神

皂莢散 治大小便閉格不通經三五日

不炷皂角燒灰米湯調下三錢即通

甘遂散 治大小便不通

甘遂

二兩

用赤皮者為末煉蜜二合和勻每一

兩重分作四服蜜水下如未効第二服漸之

蜜硝湯 治大小便不通

好蜜一鍾入皮硝二錢用滾水一碗空心調下

導引法 蜜二匙 葱汁二匙 猪膽汁二匙 青黛二分

皂角末五分 玄胡索三分 右同和一處以猪小

腸一節將此藥灌入腸內一頭用竹筒一箇

兩頭俱用線扎定將竹管入肛門徐々擠藥

進去肛門得藥氣即通神效

兌法 凡諸秘結不通或兼他症及老弱虛極

不可用下藥者 蜜熬老入皂角末少許以葱

作骨乘熱捍作兌候冷硬用油塗肛門插入通

猪膽汁導法 大猪膽一枚瀉汁和醋少許入竹

管灌穀道中少刻即通

霹靂煎 用鹽與蜜乘熱捍如蜜兌法上頭銳用

寸許納入穀道中少刻化開即通

一法 用蜜兌不通者 用鹽吹入肛門亦妙

提盆散 治雜病非陰候者

草烏頭不拘多少為極細末每用葱一枝肥者

削去鬚圓頭上有汁濕蘸之納穀道中

海藏用鹽與蜜兌相合如用草烏頭末相合亦可
蓋鹽能軟堅潤燥草烏能化寒消結可隨症陰
陽所宜用之

宣積丸

巴豆 乾姜 韭子 良姜 硫黃 白欖榔

甘遂各等分 為末研飯為丸圓眼大早朝先用椒

湯洗手麻油塗手掌口握藥一粒移時便瀉
欲止以冷水洗之

大小便不通

鹽燒紅填臍內切蒜一片蓋鹽上艾炷灸三五

壯即通

孫尚治趙令女忽吐逆大小便不通煩亂四肢漸
冷無脈凡一日半與大承氣湯一劑至夜半漸
得大便通脈漸和翌日乃安此閉格之病極為
難治垂死而活者惟此一女耳

孫兆方 治大小便不通

皂角燒存性為末粥飲調下三錢立通

外臺秘要方 治脹滿大小便不通

獨蒜煨熟去皮紙包納入下部氣立通

止吐透格湯

藿香

砂仁

白叩仁

各一錢

陳皮

半夏

各二錢

茯苓

厚朴

蒼朮

各一錢半

水二鍾煎七分入姜

汁三匙徐頻服如火熱者去藿香叩仁加

黃連

姜汁炒

山梔竹茹鬱結氣滯者加

香附貝母檳榔

通關導滯散

木香

檳榔

枳殼

當歸尾

厚朴

各一錢半

大黃

三錢

如小便不通加瞿麥木通活后各一

錢半或用八正散水煎食前服

閉癃遺溺不禁辨

生生子曰閉者小便不出塞而不通也癃者罷弱而氣不充淋瀝點滴而出或澀而疼一日數十次或百次俗名淋病者是也閉則多是急病癃則是緩病遺溺睡夢中溺出醒而方知是也不禁者日夜無遍數頻而溺也今各分枝門詳載治法以見新久虛實寒熱氣血各有所攸重也惟肝與督脉三焦膀胱主之

經云肝主小便淋洩肝足厥陰之脉逆陰器所生病者遺溺閉癃又云督脉者女子入繫廷孔其孔溺孔之端也其男子循莖下至篡與女子等其生病癃痔遺溺故遺溺閉癃皆取厥陰腧穴及督脉腧穴也又三焦主之者經云三焦下脉在于足太陽之前少陽之後出于腠中外廉名曰委陽足太陽絡也三焦者足太陽少陽之所將太陽之別也上踝五寸別入貫膈腸出於委陽並太陽之正入絡膀胱約下焦實則閉癃虛

則遺溺遺溺則補之閉癃則瀉之是也又膀胱主之者經云膀胱不利為癃不約為遺溺然遺溺閉癃不取膀胱腧穴者蓋膀胱但止藏溺其出溺皆三焦及肝督脉也又經云三焦者決瀆之府水液出焉膀胱者州都之官津液藏焉氣化則能出矣由是言之膀胱藏水三焦出水治小便不利故刺灸法但取三焦穴不取膀胱也

小便不通門

東垣謂小便不通有在氣在血之異夫小便者足

太陽膀胱所主長生於申申者西方金也金能
生水金者肺也肺中伏熱水不能生是絕小便
之源也人法象天地膀胱之源自頭項下至于
足故曰陽中之陰如渴而小便不通者肺不能
降是也治法者用清燥金之正化氣味薄之藥
茯苓猪苓澤瀉琥珀燈心通草車前子瞿麥扁
蓄之類皆為淡滲之藥能瀉肺火而清肺金滋
水之化源也若不渴熱在下焦是絕其流而溺
不泄也須用氣味俱厚陰中之陰藥治之二者

之病一居上焦在氣分而必渴一居下焦在血
分而不渴血中有濕故不渴也二者之殊至易
分別耳

綱目云氣鬱于下微者香以散之甚者吐以提之
血鬱于下微者輕劑行之甚者峻劑破之

丹溪云小便不通有氣虛血虛有實熱有痰氣閉
塞皆宜吐之以提其氣氣升則水自降蓋氣乘
載其水也先哲譬之如滴水之器必使上竅通
而後下竅之水出焉氣虛參朮升麻先服後吐

血虛四物湯先服後吐痰氣閉塞者二陳加木
通香附探吐實熱當分利之或八正散大便動
則小便自通老人氣短者四物加參芪吞滋腎
丸下焦血氣乾者死

統旨云氣虛而小便不通者經曰膀胱者津液藏
焉氣化則能出矣氣虛則不能化故不通也血
虛而小便不通者蓋血即津液之屬血虛即津
液燥而溺道不利故不通也與痰氣閉結於下
者虛實之情不同今丹溪皆用吐法乃急則治

其標也雖然氣虛血虛以虛為本虛則必補之
而後可夫以參朮四物調其真氣而吐之誠可
以通其溺而其本之虛也豈參芪四物之類頃
刻下咽遂能以補益之耶吾恐病根猶在不久
必復作故愚意以為若果氣虛血虛必用補氣
補血之藥使其氣盛而施化血生而津潤其便
自可以通不必探吐果宜吐者必須先吐俟其
溺通繼服補劑庶可平復非如痰氣閉結者但
吐之而可已此丹溪未盡之意予故表而出之

戴元禮云汗多而小便赤澁夏月多有此症盛暑所飲既多小便反澁緣上停為飲外發于汗津道不通小腸閉澁則水不運下五苓散然有虛勞汗多而反澁者乃是五內枯燥滋腴既去不能生津當以溫養潤肺十全大補湯或養榮湯不可過用利小便藥蓋汗者心液心主血養血則心得所養汗止金生不待通溺而自清矣諸失精血及患癘毒人或有小便反澁之症亦是枯竭不潤之故也

羅太無曰小便不利有三不可槩論若津液偏滲于腸胃大便泄瀉而小便澁少者一也宜利而已若熱搏下焦津液則濕熱不能行者二也必滲泄則愈若脾胃氣澁不能通調水道下輸膀胱而化者三也可順氣令施化而出

丹溪云諸淋皆屬于熱余每用黃柏滋腎丸每百丸用四物湯加甘草稍杜牛膝木通梔仁活石木香煎湯空心吞服無炙三陰交如鼓應桴累試累効

保命集云淋閉者涼膈散加滑石四兩茯苓一兩

治熱在氣分之劑

東垣清肺散 治渴而小便閉或黃澁邪熱在氣

分 茯苓錢二 猪苓 澤瀉各三錢 琥珀 瞿麥

桂各五分 通草 燈心各二分 木通 扁蓄各七分 車

前子炒一錢 每服五錢水煎熟服五苓散八正

散亦宜用

仲景猪苓湯 治脉浮發熱渴而小便不利

猪苓 茯苓 阿膠 滑石 澤瀉各一兩

水四升煎二升去渣內膠煎溶溫服一日服三

茯苓半斤 白朮二兩 戎鹽彈丸大一枚

為末白湯調下

清肺飲 治肺燥而小便不通

黃芩一錢 山梔子三枚 鹽豉二十粒 長流水煎服

治熱在血分之劑

東垣滋腎丸 下焦陰虛脚膝軟無力陰汗陰痿
足熱不能履地不渴而小便閉者邪熱在血分

也

黃栢

知母

俱酒洗焙
各二兩

肉桂

二錢

右滾水為丸梧子大每百丸加至二百丸煎百沸湯空心服

潔古黃連丸

治因服熱藥過小便不利諸藥莫

能効者或臍下痛不可忍

黃連

炒

黃栢

炒

甘草

各等分

水煎服

如再不通加知母此藥助氣使氣得化則通矣

羅太無白花散 治小便不通膀胱有熱

朴硝為末每服二錢煎茴香湯調下

東垣導氣除燥湯

小便不通乃血濕致氣不通

而竅澁

知母

酒洗

澤瀉

各三分

黃栢

四錢

滑石

炒

茯苓

苓

各二錢

水煎不拘時服

小便不通腹下狀如覆碗痛悶難忍者乃腸胃乾

涸膈中氣不下則便不化啓玄子謂胞器若得

氣海之氣施化則溲便下氣海之氣不及則隱

秘不通故不得便利也先用木香沉香各三錢

酒調下令氣通達便自通利

又方 煎陳皮茯苓湯調木香沉香末服之

上二方正綱目所謂氣鬱于下微者香以散之是也

丹溪治氣鬱於下甚者以吐法提之

血鬱于下小便不利微者輕劑行之如蒲灰散滑石白魚散茯苓戎鹽湯皆主之

仲景蒲灰散

蒲黃粉

七分

滑石

三分

為細末白湯調一日三服

滑石白魚散

滑石 乳髮灰

白魚

各二分乃衣魚也

為末米飲服五分一日三服

羅太無髮灰散 治臍下急滿小便不通

髮灰

二錢

米醋二合調服

一法與葵子等分

為末米飲服二錢訖即炒黑豆葉蓋其上

即通

右滑石能逐汚血蒲黃髮灰能消汚血丹溪謂髮髮補陰之功甚捷

血鬱于下小便不利甚者峻劑破之

本事桃仁煎治婦人積血小便不通臍腹脹疼不可忍衆醫皆作淋治如八正散之類數種皆治

不効診之乃知血瘕也非瞑眩藥不可去予用

此藥得愈

桃仁

大黃

朴硝

各一兩

蜜

半兩

炒黑四味為末先以醇醋二升半銀后器內慢

火煎取一升五合下大黃桃仁蜜等不住

手攪良久出丸如梧子大前一日不晚食五

更初温酒吞下五丸至日午腹大痛不可忍

卧少頃下血塊如拳者數枚小便如黑豆汁

或如鷄肝蝦蟇衣狀其痛止此藥極峻氣虛

血弱者不可輕用凡用宜少服之漸加可也

如見鮮血即止藥續以補藥調理此方

出千金方

倒換散 治癰閉大小便不通小腹急痛肛門腫

痛

大黃

小便不通減半

荆芥穗

大便不通減半

為末每服二錢温水調下

朴硝牛膝湯 治小便不通或血淋

杜牛膝

二兩

以雪水二碗煎至一碗調朴硝一

兩空心服立通

雜方

治小便閉 用大田螺生去殼搗細封臍上即通

治傷寒後小便不通

生姜八九塊杵碎水十餘碗麻布五六尺同煎
數沸用桶盛候可通手以布頻熨小腹良久恰
用紅豆末錢一江茶錢二井花水調服神效小便注如

本事方 治小便難小腹脹急不速治即死

葱白一斤細切炒令熟以帕子裹分作兩處更

替熨臍下即通

聖通方 治小便難腹滿悶不急療即死

秦艽一兩去芦以水一大碗煎七分食分二服服之

濟世方 治小便不通

杏仁二十枚研碎水調分作二服効

千金方 治婦人卒不得小便用紫苑末以井水

調服三撮便通如小便血五撮立止

灸小便淋澁法

炒鹽不拘多少熱填滿病人臍中是神闕穴也

却用筋頭大艾炷灸七壯良驗或灸三陰交穴

又法 治小水秘澁

猪膽連汁籠套玉莖少刺汁入即通

婦人用藥末貯袋子安入玉戶中必通

玄珠經云陰陽閉格前後不通利小水自行中有轉胞之症諸藥不效無救則脹滿悶亂而死曾以甘遂末水調敷臍上內以甘草節湯飲之藥汁至臍二藥相反而胞自轉小水來如湧泉此救急良方

一法 治小便不通諸藥無效或轉胞至死

用猪尿胞一箇底頭出箇小竅用翎筒通過放在竅內根底細線繫定翎筒口子細杖子堵定

上用黃蠟封尿胞口頭吹滿氣七分繫定了再用手捻定翎筒根頭放了黃蠟堵塞其翎筒放在小便頭放開翎筒根頭手其氣透入裏自然小便下神効

瓜蒌散 治腹脹小便不通

瓜蒌仁 不拘多少為末每服三錢溫酒調下如不能食酒米飲下以通為度

葵子散 治小便不通

黃蜀葵子 赤茯苓 各三錢 水煎服

鷄蘇散 治小便不通

鷄蘇 握一 生地

通草 各四兩

滑石

后葦

炒去毛各一兩

冬葵子 一兩半

以水六碗煎至三碗分三服空

心進一服約人行五里路又進一服

一方加榆莢黃芩車前子

治小便不通垂死者

玄明粉

一兩

淡竹葉

三十

灯心

五分

煎湯徐

下

即調通

治老人虛人小便不通

亦治心痛

琥珀為末人參湯調下妙

王海藏云脬轉小便不通非膀胱小腸厥陰之氣

也蓋因強力房事或過忍小便以致此疾非可

利之藥所能利之法當治氣宜以沉香湯主之

沉香

木香

各三錢

為細末煎陳皮茯苓湯空心食前調服

癰門

生生子曰癰罷也下元罷憊而氣餒弱不能施化

故小便淋瀝點滴而下是又稱為淋也

陳無擇曰淋古謂之癰名稱不同也癰者罷也淋

者滴也古方皆云腎氣鬱致小腸膀胱不利漫
有冷淋濕淋熱淋等屬外所因既言心腎氣鬱
與驚思恐憂即內所因况飲啖冷熱房失勞役
及乘急忍溺多致此病豈非不內外因也大率
有五曰冷曰熱曰膏曰血曰后五種不同皆以
氣為本

嚴氏曰五淋氣后血膏勞是也氣淋為病小便澁
常有餘瀝后淋莖中痛尿不得卒出膏淋尿似
膏出勞淋勞倦即發痛引氣衝血淋遇熱即發

甚則溺血候其鼻頰色黃者小便雜也大抵此
症多由心腎不交積蘊熱毒或酒後房勞服食
熱燥七情鬱結所致癃閉淋閉為病皆一類也
張子和曰世人多為服金石燥熱之劑得之常見
農家有此症豈是服金石之人也大抵是膀胱
蓄熱而成此疾如湯瓶久在火中煮瓶底白碱
而不能去沙后淋之症與此理同 劉宗厚曰
此譬言極當內經云小腹熱澀出白液亦甚似也
東垣曰凡小便癃閉是無陰而陽氣不化也凡

利小便之藥皆淡味滲泄為陽止是氣藥陽中之陰非北方寒水陰中之陰所化者也此乃奉養太過膏粱積熱損北方之陰腎水不足膀胱腎之室久而乾涸小便不化火又逆上而為嘔噦非膈上所生也獨為閉非格病也潔古云熱在下焦填塞不便是治閉格之法因治王善夫病小便不通漸成中滿腹大堅硬如后壅塞之極腿腳腫脹破裂出黃水雙睛突出晝夜不得眠飲食不下苦痛不可名狀求予治之因問受

病之始知病不渴近苦嘔噦衆醫皆用治中滿利小便滲淡之藥急難措手乃辭歸從夜至旦耿耿不寐窮究其理記素問有云無陽則陰無以生無陰則陽無以化此病小便癃閉是無陰則陽無以化也今病者內閉外格之症悉具死在旦夕但治下焦可愈隨處以北方寒水所化大苦寒之氣味俱陰者黃柏知母為君桂為引名曰滋腎丸沸湯下二百丸少頃前陰如刀刺火燒之痛溺出如湧泉卧具皆濕床下成流願

盼之間腫脹消散予驚喜曰大哉聖人之言豈可不遍覽而執一者也其症小便閉塞而不渴時見煩燥者是也凡諸病在下焦皆不渴也

千金方 治小便淋痛以杜牛膝以酒煮服

肘後方 以杜牛膝根莖葉酒煮服治小便不利

莖中痛欲死及治婦人血結堅痛如神蓋牛膝

治淋之聖藥也但虛人當用補藥監治之耳

仲景云淋家不可發汗發汗則便血

寶鑑曰痺論云胞痺者小腹膀胱按之內痛若沃

以湯澁於小便上為清涕夫膀胱為州都之官津液藏焉氣化則能出焉令風寒溫邪客于胞中則氣不能化出故胞滿而水道不通其症小腹膀胱按之內痛若沃以湯澁于小便以足太陽經其直行者上交額下入絡腦氣下灌於鼻竅則為清涕也

劉宗厚曰按此則知淋閉有寒熱之殊大抵人之所稟虛實受病不同宜參脈理分治

方古庵云淋症其感不一或因勞房厚味醇酒忿

怒所致夫房勞者陰虛火動也忿怒者氣動生
火也醇酒厚味者釀成濕熱也積熱既久熱結
下焦所以小便淋瀝欲去不去不去又来而痛
不可忍者初則熱淋血淋久則煎熬水液稠濁
如膏如沙如石也諸方中類多散熱利小便而
于開鬱行氣破血滋陰蓋少焉若夫散熱利小
便只能治熱淋血淋而已其膏淋沙淋石淋三
者必須開鬱行氣破血滋陰方可也古方用鬱
金琥珀開鬱藥也用青皮木香行氣藥也用蒲

黃牛膝破血藥也用黃栢地黃滋陰藥也東垣
用藥凡例小腹痛用青皮黃栢夫青皮踈肝黃
栢滋腎緣小腹小便乃肝腎之部位也學者不
可不知

治熱之劑

火府丹 治心經熱小便澀及治五淋臍下滿痛

生地 木通 黃芩 甘草

煉蜜杵丸梧子大每二十九木通煎湯下

導赤散 治心蘊虛熱小便赤澀或成淋痛

生地 甘草 木通 加竹葉水煎服

車前子散 治諸淋小便痛不可忍

車前子錢五 淡竹葉 赤茯苓 灯草 荆芥

穗錢各二分 帖水煎服

地膚子湯 治諸病後体虛觸熱、結下焦小便

赤澁多起少出莖痛如刺或尿血

地膚子 猪苓 知母 黃芩 海藻 通草

瞿麥 枳實 升麻 葵子各等分 姜三片水煎服

立効散 治下焦結熱小便淋閉作痛有時尿血

甘草炙三兩 瞿麥兩 山梔仁炒五錢 每一兩姜

三片葱白三根灯心三十根水煎服

通草湯 治諸淋

通草 葵子 茅根 蒲黃 當歸 王不留

行 梔膠 瞿麥 滑石各一兩 甘草五錢

每一兩姜五片水煎服

石葦散 治膀胱有熱淋瀝不去臍腹急痛蓄作

有時勞役即發或尿如豆汁或出沙石並治

芍藥 白朮 滑石 葵子 木通 瞿麥各二

兩當歸

甘草

王不留行

各一兩

石葦

去毛二兩

為末每服二錢空心小麦湯調下

五淋散

腎氣不足膀胱有熱水道不通淋瀝不

出或如膏如沙如石如豆汁並治之

赤芍藥

山梔仁

各十兩

當歸

甘草

生各五兩條苓

三兩

赤茯苓

六兩

每服七八錢水煎

八正散

治大人小兒心經蘊熱臟腑閉結小便

赤澁癰閉不通熱淋血淋膏淋沙淋石淋並皆

治之

車前子

瞿麥

扁蓄

滑石

甘草

山梔

大黃

麩包煨

木通

各等分

每服五七錢入灯

心十莖煎至六分食前服

又方

治諸淋

四苓散

二錢

益元散

山梔子

各一錢

灯心三十根水煎服

又方

益元散加車前子末

一錢

或加阿膠

一錢

石葦飲

治小便不利莖中痛

石葦

去毛

冬葵子

各二兩

瞿麥

一兩

滑石

五兩

車前子

三兩

為末每服二錢日三服熟水下